

Prome Minister Wever Croes:
A invita Astrubal Chavez
pa reunion den siman di
20 di augustus
No a haya contesta ainda
Pagina 2

Monumentonan ta haya miho sistema di irigacion



RECIENTEMENTE a finalisa cu un proyecto cu a tuma algun tempo na e Monumento cu ta dedica na Schutterij di Aruba. A haci un renobacion pero tambe a crea un sistema di irigacion nobo. E mesun cos ta tumando luga awo na Monumento 5 di mei. Ta coba un buraco grandi den cual ta hinca un baki di awa. E baki aki den forma regular ta wordo yena door di Santa Rosa y ta mantene e yerbanan di e monumento bibo. Esaki ta evita e problemanan cu tabata existi pa tin suficiente awa cada tanto tempo.



Prome Minister Wever Croes:

A invita Astrubal Chavez pa reunion den siman di 20 di augustus

No a haya contesta ainda

E trabounan den e refineria ta mescos cu algun luna pasa. Esaki ta loke Prome Minister Wever Croes a indica e siman aki durante su combersacion den e noticiario di Hans Geerman. Den e programa aki e mandatario a papia riba e refineria y pa loke ta e desaroyonan cu tabatin ultimo lunanan.

Despues cu na februari ultimo ehecutivonan a informa Gobierno cu ta bay slow-down e trabounan, a sigui tin e movicion den e refineria. Aunke, el a enfatisa, e trabounan ta limita. Tin cierto actividad andando, lo minimo pero tin actividad. Na mesun momento e ta bisa di a ricibi cierto señalnan cu apesar cu tin movicion eyden, trahadonan Arubiano no ta haya trabou den e proyecto aki.

Den cuadro di e ariba menciona Gobierno a yama un reunion pa dialuna awor cu tur esnan envolvi, esta CITGO, Minister di Labor y su persona, pa mira kico ta pasando. Gobierno, el a bisa, ta di e pensamento cu cualkier trabou chikito cu por tin, ta e Arubiano ta bini na remarca na prome luga.

E trabou grandi mes mester a cuminsa for di 2 aña pasa p asina e refineria por bay den operacion pa 2020. Pero di esaki no a mira mucho te cu awo. E unico inversion haci awo ta den e man-camp.

Mirando cu na october awor ta yega na mita di e contracto, pa cual Gobierno a dicidi cu ta yama e Presidente di CITGO Astrubal Chavez pa bini Aruba pa duna cuenta di kico ta pasando y kico lo bay pasa. “Ta manera cu nan ta tene e Gobierno di Aruba secuestra den esaki. Tin un contracto firma y nos mester sa con ta bayendo cu esaki y mester sa ki palabracionnan mester haci pa futuro..” Segun Prome Minister Wever Croes tur siman tin inversionistanan ta bati na porta di Gobierno cu ta interesa y ta bisa di tin placa pa inverti den e refineria. Pero Gobierno su man ta mara mirando e contracto cu tin cu CITGO. El a hasta



sugeri cu e ta bay manda e gruponan pa CITGO hunto cu un representante di Gobierno pa sinta negocia y mira si nan por tuma e operacion over. “Nos ta wordo tuma rehen den nos mesun pais, un pilar economico ta wordo tuma rehen y nos no por “afford” esaki.”

E carta cu a wordo manda pa Astrubal Chavez ta pa e ta na Aruba den e siman di 20 augustus awo. Pero te ainda Gobierno no a haya un contesta. Si e reunion tuma luga ta prome biaha cu Gobierno ta bay sinta papia cara-a-cara cu e ehecutivo di CITGO. Hunto di Comisario di RDA tin bon comunicacion cu RDA y e gerencia local di CITGO, pero nan tampoco tin informacion di ki tempo e placa ta bini liber pa sigui cu e trabounan y si nan ta interesa pa sigui cu e proyecto.

Prome Minister Wever Croes a bisa cu e ariba menciona ta e motibo cu no a tene cuenta cu e refineria den presupuesto 2019. Ya caba a cuminsa analisa e cantidad di tereno cu e refineria tin, di kico por wordo uza sin cu e ta afecta un posibel operacion di e refineria, manera ta e introduccion di e Fast Ferry.

E mandatario a bisa cu mirando e situacion economico na Aruba, e situacion di desempleo cu tin, e apertura di e refineria ta Aruba su unico opcion pa crea empleo riba termino corto. P esey nos ta trata di pone presion riba nan pa sea sali di e contracto na un forma drechi sin cu Aruba mester bay paga daño y perjuicio of transpasa e contracto pa un otro compania cu si por haya e placa y pa Aruba por mira algun desaroyo economico.

Hues Mericano a dicidi cu

Citgo por wordo embarga pa compania Canades haya pago di un debe di Venezuela

AUNKE cu ta wordo bisa cu CITGO ta independiente di PDVSA, ta keda un hecho cu debi na e relacion aki mes CITGO no por a haya e placanan necesario pa sigui cu e proyecto di renobacion di e refineria di Aruba. E siman aki un Hues na Merca a autorisa e confiscacion di e compania riba suela Mericano CITGO, pa cumpli cu pagonan pendiente di Gobierno nacional na e compania Canades Cristallex International Corporation, pa derechonan minero perdi riba teritorio Venezolano. E orden di embargo cu tin riba e compania madre Citgo, na Houston, a wordo

emiti door di un Hues di Wilmington na Delaware, pero no ta conoci ainda e amplitud di e medida ya cu ta trata di un sentencia seya y te denter di algun dia e lo ta disposicion di publico en general. E informacion cu a wordo publica door di Wall Street Journal (WSJ), ta bisa cu ni e Abogadonan di PDVSA, ni representantenan di CITGO kier a duna comentario na medionan di comunicacion riba e sentencia aki, cu por wordo apela. E decision aki ta bira manera un alarma pa e otro hende of instancianan Mericano cu PDVSA debe, y ta empeora e situacion precario



cu Venezuela ta pasando aden economicamente, ya cu nan por perde nan propiedad di mas grandi riba teritorio Mericano y un di e poco companianan cu ta genera ganashi den divisas pa Venezuela. WSJ ta calcula cu e Estado y su diferente empresanan tin rond

di 62 mil miyon di dollar den bonds no garantisa, di cual e debe na capital y interesnan no paga di 5 mil miyon dollar. E sancionnan imponi door di Merca cu ta cay pa Gobierno Venezolano, ta stroba e acreedornan di haci algun tipo di restructuracion of compra di un debe nobo.

Ta wordo bisa cu e unico pago cu a wordo realisa e aña aki door di Estado tabata di 107 miyon den interesnan di e bondsnan di PDVSA cu ta vence na 2020, y Citgo a wordo poni como garantia di e estatal petrolero pa e acreedornan cu a invirti den e bondsnan ey, cual, segun analistanan specialisa, cu a wordo haci cu e intencion pa

protege e propiedad importante aki.

E situacion ta hopi mas serio pasobra e inversornan di e bondnan aki, cu ta inclui 43 compania cu tin demanda contra Gobierno di Venezuela, ta core e riesgo di perde kisas e unico activo obvio cu Venezuela tin, riba teritorio Mericano, y cual por wordo confisca pa haya pago, pa cual tin miedo cu e decision di e Hues, si e wordo manteni, por causa cu PDVSA no ta sigui paga su debenan.

Pero pa Cristallex por bende e sharenan confisca, e mester di aprobacion di Departamento di Finanza di Merca, prome cu elimina algun otro obstaculo legal.



KIA ta sobre pobla y a haci uzo di articulo 37 pa baha e cantidad di presonan

segun Minister Bikker

I N S T I T U T O KIA tin atencion extra di Minister di Husticia mr. Andin Bikker pasobra KIA ta sobre pobla. Segun e mandatario, esaki no ta algo nobo pasobra for di tempo cu el a bira Minister di Husticia e ta bin ta trece esaki dilanti y for di e tempo ey un KIA amplio ta prioridad. El a recorda cu recientemente isla di Boneiro a haya un prizon nobo cu un capacidad di 115 cel pa un poblacion di mas of menos 20 mil habitante. Aki na Aruba e capacidad na KIA ta 259 pa 260 cel den comparacion di 115 mil habitante. Segun Minister Bikker, e instituto aworaki ta den un estado hopi deplorabel pasobra den ocho aña e ex Minister di Husticia no a haci mucho na e facilidad aki. “Di banda mi tin cu bisa cu e bon ta cu Aruba tin institutonan cu ta persigui y combati crimen, y nan tin un rate exitoso hopi halto. Esey ta pone cu casi 90% di caso cu ta presenta pa lamentabel cu nan ta, ta wordo resolvi. Esunnan cu ta haci nan mes culpabel ta haya nan castigo y poni den prizon.” Pero tambe el a splica

cu den Aruba su Codigo Penal articulo 37 ta bisa, cu ora tin un sobre poblacion di un Instituto Correccional, tin e posibilidad pa pone esnan cu a haci nan mes culpabel na crimen, un tiki mas tempran den libertad. Segun Minister Bikker, ora condena un persona na un straf, normal ta 2/3 parti e ta sinta su castigo y despues ta ser laga den libertad. El a menciona un caso cu tabata den publicidad diabierna, el a splica cu e persona aki mester a ser laga den libertad despues di a sinta e 2/3 parti di su castigo cu ta fin di december pa cuminsamento di januari, pero a wordo laga liber den luna di augustus aki. Pa tur hende ta consciente, el a bisa cu no ta Minister di Husticia ta bay riba e casonan especificonan aki, pero ta un comision ta duna recomendacion den consideracion cu Ministerio Publico y basa riba esey ta tuma un decision. Pues e recomendacion no ta haya splicacion specifico di cada caso. Loke a sali den publicidad y informacion cu e mandatario a haya, ta cu e persona en



cuestion a haci su mes culpabel na intento di violacion. Pero, Minister Bikker a bisa, “articulo 37 no ta papia di distincion riba ki tipo di crimen a wordo cometi pero solamente ta bay na terminonan y obhetivamente ta bisa, kende ta bin na remarca pa haya su libertad.” Segun Bikker, tin un maneho y e ta respeta e maneho aki, cu ta bisa cu un persona cu a comete tipo di

actonan asina manera violacion of intento di violacion, no ta bin na remarca pa esaki. Pero e ley mes no ta haci e tipo di distincion den e sistema.

Pa e hecho cu no a tene cuenta cu e maneho ariba menciona, e mandatario a splica cu na KIA actualmente tin un reemplasante cu ta traha riba e recomendacionnan aki y ta manda nan

pa Ministerio Publico. E persona en cuestion no tabata na altura di e maneho y ta un fout interno cu e no a cay riba dje. Buscando un solucion Minister Bikker, despues di a tende di e caso aki, a tuma contacto cu Ministerio Publico pa otro siman bini cu un proposicion di ley pa por cambia e ley y kita e 2/3 parti di reduccion di castigo, mescos cu Hulanda.

Aruba a exporta menos den peso pero mas den balor

OFICINA Central di Estadistica ta presenta e resultadonan principal di e cifranan di importacion y exportacion, prome kwartaal 2018.

Exportacion total, den peso, a registra un caida di 25.2% den e prome kwartaal di 2018 (4.5 mln kg) compara cu e mesun periodo di 2017 (6.0 mln kg), mientras, den balor, el a baha cu 9.6% di Afl. 34.3 mln pa Afl. 31.0 mln.

Exportacion for di area liber di Aruba (peso)

Exportacion via Lama pa e area liber di Aruba, den peso, a registra un caida di 14.6% den prome kwartaal di 2018 (3.8 mln kg) compara cu e mesun periodo den 2017 (4.5 mln kg). Nuebe (9) di e bintiun (21) seccionnan, a registra un caida den peso den e exportacion total for di Aruba. E caidanan mas grandi por wordo observa den e seccionnan “Materialnan pa fabricacion di papel y materialnan di papel” (-1.3 mln kg) y “Productonan vegetal” (-0.2 mln kg).

E subidanan mas grandi por wordo observa den e seccionnan “Metalnan comun y trabounan deriva” (0.5 mln kg) y “Makinaria y ekiponan electronico (nobo y renoba)” (0.2 mln kg).

Exportacion for di area liber di Aruba (balor)

Exportacion via Lama pa e area liber di Aruba, den balor, a registra un subida di 13.9% den prome kwartaal di 2018 (21.1 mln kg) compara cu e mesun periodo den 2017 (18.5 mln kg). Diesdos (12) di e bintiun (21) seccionnan, a registra un subida den valor den e exportacion total for di Aruba. E subidanan mas grandi por wordo observa den e seccionnan “Diferente productonan n.c.a.” (Afl. 3.1 mln), “Productonan kimico” (Afl. 1.7 mln.) y “Makinaria y ekiponan electronico (nobo y renoba)” (Afl. 0.5 mln).

E caidanan mas grandi por wordo mira den e seccionnan “Instrumentonan, aparatonan y ekiponan optico” (Afl. -1.3 mln). Ademá, caidanan di Afl. 1.2 mln y Afl. 0.4 mln a wordo registra pa e seccionnan “Metalnan comun y trabounan deriva” y “Animalnan bibo y otro productonan di origen di animal”, respectivamente.



BUREAU
Multifunctionele
Accommodatie

Cafetaria MFA St Cruz

Het vestigen van een “cafetaria” in een MFA heeft als doel het creëren van een gezellige plek en sfeer in de MFA waar de klanten tijdens het wachten versnaperingen kunnen consumeren. Dit maakt hun ervaring bij de MFA aangenamer. De klanten die gebruik maken van een dienst in een MFA, waarbij men in een rij moet staan wachten, kunnen nu op een rustige en gezellige manier op hun beurt wachten.

Het TOR is vanaf **13 augustus 2018** verkrijgbaar bij MFA Paradera (telefoon 2810005)

Inlichtingen worden verstrekt op **20 augustus 2018** om 10.00 am te MFA Paradera gelegen aan Paradera 145 C.

De openbare aanbesteding vindt plaats op **27 augustus 2018** om 10.00 am te MFA Paradera gelegen aan Paradera 145 C.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van Kamer Van Koophandel;
2. Overige vereisten zijn opgenomen in het TOR.

Importacion total den peso a registra un caida di 4.4% den prome kwartaal di 2018

OFICINA Central di Estadistica ta presenta e resultadonan principal di e cifranan di importacion y exportacion, prome kwartaal 2018.

Importacion total, den peso, a registra un caida di 4.4% den prome kwartaal di 2018 (145.4 mln kg) compara cu e mesun periodo den 2017 (152.0 mln kg), mientras, den balor, el a subi cu 6.2% di Afl. 503.6 mln pa Afl. 535.0 mln.

Importacion pa e area liber di Aruba pa e prome kwartaal di 2018 Aruba, a baha cu 3.5% di 150.2 mln kg na 2017 pa 144.9 mln kg na 2018. Durante e periodo aki dies (10) di e bintiun (21) seccionnan, a registra caida den importacion den peso pa e area liber di Aruba.

E caidanan mas grandi por wordo observa den e seccionnan “Productonan mineral” (-4.9 mln. kg), “Metalnan comun y trabounan deriva” (-0.8 mln. kg) y “Productonan kimico” (-0.7 mln. kg).

E subida mas grandi



por wordo mira den e seccion “Palo, carbon y materialnan di palo” (0.8 mln. kg), ademas, caidanan di Afl. 0.6 mln y Afl. 0.4 mln a wordo registra pa e seccionnan “Diferente productonan n.c.a.” y “Ekiponan di transporte”, respectivamente.

Importacion pa e area liber di Aruba (balor) Importacion pa e area liber di Aruba pa e prome kwartaal di 2017 Aruba, den balor,

a subi cu 9.4% di Afl. 480.7 mln na 2017 pa Afl. 525.9 mln na 2018. Diesocho (18) di e bintiun (21) seccionnan, a registra subida den importacion den balor pa e area liber di Aruba. E subidan mas grandi por wordo observa pa e seccionnan “Makinaria y ekiponan electronico (nobo y renoba)” (Afl. 11.4 mln), “Ekiponan di transporte” (Afl. 8.2 mln.), “Instrumentonan, aparatonan y ekiponan optico” (Afl. 6.3 mln) y “Animalnan bibo y otro productonan di origen di animal” (Afl. 4.3 mln.).

E caida mas grandi por wordo mira den e seccion “Metalnan comun y trabounan

deriva” (Afl. -4.2 mln). Ademas, caidanan di Afl. 0.7 mln y Afl. 0.1 mln a wordo registra pa e seccionnan “Materialnan pa fabricacion di papel y materialnan di papel” y “Sapato, sombre y parasol”, respectivamente.

E importacion (pa e area liber di Aruba) menciona anteriormente ta e resultado di Importacion via Lama y Importacion via Aire, cual tawata tin e siguiente efectonan:

1. Importacion pa e area liber di Aruba via Lama

Importacion via di Lama pa e area liber di Aruba, den

peso, a registra un caida di 3.8% den e prome kwartaal di 2018 (143.9 mln kg) compara cu e mesun periodo den 2017 (149.5 mln kg), mientras, den balor, ela subi cu 9.0% di Afl. 389.3 mln pa Afl. 424.2 mln.

2. Importacion pa e area liber di Aruba via Aire

Importacion via di aire pa e area liber di Aruba, den peso, a registra un subida di 38.1% den e prome kwartaal di 2018 (1.02 mln kg) compara cu e mesun periodo den 2017 (0.74 mln kg), mientras, den balor, tin un subida di 11.4% di Afl. 91.4 mln pa Afl. 101.7 mln.

Importacion pa e area liber di Aruba pa “Companianan grandi”**

Importacion pa “Companianan grandi”, den peso, a baha cu 3.5%, di 24.2 mln kg den e prome kwartaal di 2017 pa 23.4 mln kg den e prome kwartaal di 2018, mientras, den balor, tin un subida di 17.8%, di Afl. 45.8 mln pa Afl. 53.9 mln.

* Area liber di Aruba: tur bienes cu ta drenta y sali di e territorio economico di Aruba, excluyendo Free Zone

** E termino companianan grandi ta referi na: Valero, Arugas, Web, Elmar y Setar

LOTTO 5 Cuminsando cu 4 florin, bo por gana e suma grandi aki

Afl. 650.000,-

sorteo ta awe nochi

f
t
i
y

Errol Zebeda a pidi compania pa gaña pe

P'esey el a haya prohibicion di drenta Wardanan di Polis



Durante e conferencia di prensa ayera di Minister di Husticia, mr. Andin Bikker, dado momento prensa a puntra e mandatario si e por duna informacion, ta kico Errol Zebeda, a haci, cu el a haya prohibicion pa drenta Wardanan di Polis.

Prensa kier sa p'asina evita mas speculacion, pasobra ta hopi informacion ta circula aki afo, cu awor ta resulta di no ta berdad, pa manera e.o. Zebeda lo a haci su mes culpabel di haya comision di loke e ta cumpra pa Polis.

Pero t'asina, segun Minister mr. Andin Bikker, Errol Zebeda lo

a haya encargo pa ordo algun material, pero nan no tin fin di yega. Mandatario a muestra cu desde cu el a asumi su posicion el a pone énfasis pa Polis haya e materialnan necesario cu nan mester, a pesar cu Aruba ta pasando den un situacion di reto.

A bolbe puntre, el a confirma cu nan ta na caminda, y como ta tarda mucho, a bin resulta cu Errol Zebeda via mensahe manda pa e compania lo a pidi nan gaña p'e, cu si el a pidi e materialnan caba, pero cu e compania a tarda un tiki, pues cu el a pidi p'e compania gaña p'e, pa cubri su eror. Pa

un par di luna caba el a bisa nos cu el a haci cierto bestelling, cu ta uniform pa Guarda Nos Costa pero el a pretende cu esaki a tuma luga. Pa colmo el a manda mensahe na e compania pa yud'e

gaña cu el a haci e bestelling y esey nos no ta aprecia. Mi a mira yen di otro informe den medionan, pero esaki ta e hecho awo. E otro informenan mi no sa di unda nan ta bini, e mandatario a bisa.

Awor esaki ta suficiente motibo pa suspende un funcionario, manera Errol Zebeda? Landsrecherche mester determina si tin motibo pa persigui penalmente of no.

EXECUTORIALE OPENBARE VERKOOP

Op **donderdag 30 augustus 2018** des namiddags om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

het appartementsrecht kadastraal bekend als **Eerste Afdeling Sectie L complex-aanduiding 5639-A, appartements-index # 1**, plaatselijk bekend als Villa Alto de Shaba Apartamento # 1, te Shaba, uitmakende een onverdeeld aandeel ter grootte van een/twaalfde (1/12) deel in de gemeenschap, bestaande uit het perceel eigendomsgrond, ten tijde van de splitsing kadastraal bekend als Eerste Afdeling Sectie L nummer 5545, groot tweeduizend vierhonderd vier en tachtig vierkante meter (2.484 M2), plaatselijk bekend als **Matadera 3-N, Villa Alto de Shaba (Apartamento 1);**
Inzetprijs: Afl. 320.819,==

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 15 augustus 2018 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com/auction@notaristromp.com

OM ta apela caso di 357 kilo pero acusado a bay su país

RECIENTEMENTE tabatin sentencia den e caso di 357 kilo di cocaina, unda cu door di hopi omision den e investigacion Corte a hay'e obliga di declara e homber Ruben S., liber di e acusacion. Ministerio Publico naturalmente no a keda bon cu e decision aki y a dicidi di apela. Sin embargo AWEMainta a haya informacion cu e homber Ruben S., a wordo deporta e siguiente dia mes. Buscando informacion a bin compronde, cu el a bandona Aruba voluntariamente hunto cu su famia. OM sinembargo a habri investigacion di e caso aki atrobe, pasobra ta papia aki di 357 kilo di cocaina. OM a delibera y mirando loke Hues a pone den e sentencia, a pone cu a bay haci investigacion adicional. A interroga testigonan di nobo, a yama testigonan cu no a wordo interroga y ta parce cu a haya informacion nobo den cual nomber di un otro persona ta wordo menciona di ta involvi den e caso aki.

Polis a haya informacion for di Hulanda cu na Aruba ta den preparacion 2 pa 3 container cu mester wordo manda

pa Antwerpen y den esakinan droga lo wordo manda. A cuminsa vigila e transportenan cu mester bay Europa y asina a cay riba esun cu a wordo prepara na Piedra Plat. Pero ta parce cu e no a wordo vigila continuamente. Ya cu Douane a vigila ora cu e containernan a wordo yena, y ta parce cu e droga a wordo hinca despues cu a seya e container. Sinembargo den e investigacion cu a sigui unabes cu a confisca e container y a transporte pa Marinierskazerne hopi eror a wordo cometi. Tabata falta potret di e seyonan of e numbernan di registro di e seyonan poni riba e container despues cu el a wordo carga y potret di e seyo cu a wordo haya riba e container prome cu a habri esakinan. Ta papia di personanan cu tabata involvi den e hurmento di e aparatonan, tereno y vehiculo, pero no ta tur hende a wordo interroga. Hues a bisa cu e no por haci otro cu declara Ruben S. Liber enbes di mande 12 año KIA manera cu Ministerio Publico a pidi.

Polis a bay ex International School na Colony pa un intruso



Ayera mainta pa 11:40, dos patruxa di Polis di San Nicolas a sali direccion ex International School den Colony.

Alarma di e edificio basta bieu por bisa a bay on, y segun patrol di security tin hende den e lugar. Riba caminda por a mira dos patruxa drenta Colony cu velocidad halto, direccion e compleho.

Na yegada e agentenan hunto cu e security guard a drenta e lugar. Aparentemente te hasta airco lo a cende, indicando cu tin hende den e lugar.

Despues di basta buscamento, Polis a sali y tambe securitynan sin haya ningun hende.

Den cuadro di celebracion di Dia di Polis

Lo tin varios actividad pa tur Polis

DIAHUEBS 16 di augustus 2018 ta 'Dia di Cuerpo Policial Aruba'. Cuerpo Policial Aruba tin un programa prepara pa su miembronan.

Un siman deportivo, social y entretenimento. Tur cos lo sosode den 1 siman cuminsando for di 10 pa 18 augustus 2018.

P'e Siman di Polis Aruba e aña aki a forma 6 grupo cu lo bay bataya contra otro den diferente evento deportivo y social.

Lo bai tin diferente deporte cu nos coleganan mester competi contra otro manera bowling, softbal, futbol, seso sport, domino, biljart y volleybal. Esaki ta pa formalisa e union entre e miembronan di Cuerpo Policial, pero tambe como preparacion p'e 'Korpsweek' na Bonaire cu lo tuma lugar den luna di october proximo.

Riba e dia special di 16 augustus 2018, cu te Dia di Cuerpo Policial Aruba riba e fecha aki lo tin un Santo Sacrificio di Misa na iglesia Fatima na Dakota.

Bureau Communicatie Voorlichting en Preventie lo tin e tarea pa informa nos comunidad di cada paso cu tuma lugar durante e siman di celebracion aki. Por sigui tur aconticimento riba nos rednan social y por follow nos riba [Facebook.com/Korpspolitiearuba](https://www.facebook.com/Korpspolitiearuba)

Danki na nos comunidad p'e sosten y apoyo duna durante e 32 añanan hunto cu nos comunidad nos ta sigui padilanti. Nos ta bo Amigo Polis.



12 augustus dia internacional di HOBEN

12 augustus mundo henter ta celebra dia internacional di hoben. Asociacion Trabao di Hubentud na Aruba (ATHA) ta felicita tur hoben riba nan dia.

Como mayor, guiado y educadornan laga nos uni nos mes na e lema di United Nation "Safe Space for youth". Nos hobennan merece di tin espacio caminda nan por bini hunto den actividad pa comparti nan necesidadnan, interes y ta haya espacio pa duna nan opinion.

E espacio aki por trece interes cerca hobennan pa nan ta mas activo den nos comunidad riba diferente area manera deporte, arte y trabao boluntario. E espacio positivo ta yuda e hoben forma su futuro stabiel y cu vision.

ATHA ta pone atencion riba e fecha aki durante e proyecto Poder di Hubentud. Nos hobennan ta nos futuro y pesey ATHA ta kere den proyectonan pa hoben y tambe pa es nan cu ta duna nan sosten na nos hobennan.

Abo hoben pabien riba bo dia y nos kier encurasha bo pa descubri bo espacio positivo. Bo ta e futuro di nos Aruba.

EXECUTORIALE OPENBARE VERKOOP

Op **donderdag 30 augustus 2018** des namiddags om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, bij opbod en daarop volgende afmijning worden gehouden van:

het recht van erfpacht tot vier en twintig juni tweeduizend vier en zeventig op een perceel domeingrond, groot negenhonderd vijftien vierkante meter (915 M2), gelegen te Westpunt in Aruba, kadastraal bekend als Land Aruba, **Tweede Afdeling Sectie A nummer 1146**, plaatselijk bekend als **Esmeralda z/n**.

Inzetprijs: Afl. 175.000,==

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com/auction@notaristromp.com

Awa den damnan ta cabando

RECIENTEMENTE berdad tin poco awa cu a yobe pero berdad tambe ta cu esaki no tabata suficiente pa e Damnan rond Aruba por a haya poco awa. Riba un control cu Departamento di Agricultura, Cria y Pesca Santa Rosa a hiba por tuma nota cu mayoria Dam rond Aruba ta birando bashi. Esaki ta un control cu nos departamento ta hiba pa asina tin un miho control y calidad di awa pa nos productornan local. Damnan den tur barionan e momentonan aki ta cabando poco poco. Den e transcurso di aña pasa na momento cu e ultimo awasero torencial cu tabata tin, Aruba ya caba tabata pasando den un segura bastante pisa. Esaki a haci cu e awasero cu tabata tin toch no tabata asina suficiente pa e

Damana rond Aruba por a colecta suficiente awa. Un otro parti cu mester menciona ta cu awa a yobe, no tabata ful Aruba tampoco. Ta den cierto districtonan tabata tin mas awa cu otro partinan rond Aruba. Si nos tuma un ehempel por bisa cu e parti pariba di Aruba referiendo na San Nicolaas awa no a yobe asina tanto manera den parti di Santa Cruz. Mesun situacion ta conta pa e barionan di Noord cu awa a yobe den e distrito di Noord manera den Sabana Liber, Noord, Kudawecha. E barionan di Bakval caminda cu Santa Rosa tin tres Dam cu ta hiba number di "Dam Tres Cabez" nan no a haya asina hopi awasero pa por a colecta. E tres Damnan aki practicamente a keda bashi. Den un solo palabra yobidanan di






HERMUS
RIJSCHOOL NV
 5943263 / 5826732
 Hermusrijkschoolnv.com
 Sividivi 1-C

Afl.

191



aña 2017 no tabata asina faborabel pa nos. Damnan a keda toch cu capacidad pa por a colecta mas awa. Na e momentonan aki Sta Rosa ta haci un apelecion na tur Agricultornan pa uza e awa mas consciente posibel. Haci uzo di irigacion pa por

spaar e awa mas tanto posibel den caso cu ta awa di Dam bo ta uza. Percura pa e awa no wordo uza innecesariamente. Cada mata ta rekeri un cantidad di awa responsabel. No duna e mata mas hopi awa di

locual no mester. Haci un control riba bo conexionnan p'asina no tin ningun "leak" pa e awa no bay perdi. Esaki ta algun punto hopi recomendabel pa tene na cuenta. Mas consciente bo haci uzo di e awa, mas largo e periodo di uzo lo bira.

Asbest haya na rand di dam di Tanki Lendert

NA e damnan cu personal di Sta Rosa a bishita caba y hiba control por a tuma nota atrobe cu cierto individuonan un biaha mas ta tira sushi domestico y di construccion den e Dam. Esaki tabata na e Dam di Tanki Lendert. Por a tuma nota di restonan di material di construccion cu nan a basha y laga atras. E parti mas serio henter e asunto aki ta cu tabata tin un pida sheet di asbest kibra den e dam. Imaginabo con grave y serio esaki por bira pa salud humano na momento cu tin un torencial awasero cu e Dam aki mester yena. Nos ta sigur cu e nivel di awa lo subi yega na unda e sushi di Asbest aki ta tira. E Asbest aki yega den contacto cu e awa manera cu e ta kibra di tal forma, cu tur e Asbest aki no keda den e awa den Dam pa eternidad, y nos agricultornan mester haci uzo di e awa aki. Esaki por ta un situacion hopi devastador pa salud. Bo no por imagina e daño cu esaki ta causa na e awa y pa salud.

Tur hende sa cu Asbest ta causa cancer y awo imaginabo esaki den e Dam y Agricultornan haciendo uza di e awa aki.

Nos ta hasi un apelacion fuerte riba esnan cu ta tira sushi den e Damnan. Por fabor bo sa unda e Dump legal ta situa cu ta na Parkietenbos. Haci un esfuerso bay hiba bo sushinan eynan y deshaci di nan na e miho forma y responsabel posibel y no den e Damnan cual awa ta wordo uza pa Agricultura. Mesun apelacion ta bay pa tur esnan tambe cu ta duna servicicionan di Septic Tank pa no haci uzo di e awa aki pa boso trucknan sea pa laba tanki of pump esaki.

Den caso cu bo mira un of otro truknan sceptic of otronan di construccion haciendo uza di e awa aki por tuma contacto cu Polis directamente pa asina por hala atencion di esnan cu ta haciendo e mal practica aki di dañá nos awa di Damnan. Ban cuida nos Damnan y proteha nos medio Ambiente.



Aruba Beach Club Week 32 – Rent



1 Deluxe Bedroom
Date: Saturday,
11th to 18th August
1 week – US \$995,-

Interested please call 594-0909

Exposicion di Censo (1960-2020)

Den Censo 1960 tabatin 56.199 persona na Aruba

EN conexion cu e Exposicion di Censo (1960-2020), CBS lo presenta un corto resumen di cada Censo organisa na Aruba. Awe CBS lo cuminsa cu aña 1960.

Durante e conteo di e poblacion di Aruba, ariba 27 di juni 1960, tabata tin 56,199 persona. Di e grupo aki 42,430 persona a nace durante e constelacion di Antia Hulandes y 36,870 persona a nace na Aruba. E grupo aki tabata consisti di 49.5% di hende homber y 50.5% di hende muher.

Den 1960, nos poblacion por a wordo parti den e siguiente nacionalidadnan: Hulandes naci na Antia Hulandes (79.6%), Hulandes no naci na Antia Hulandes (5.5%), Islanan Ingles* (Antigua, Barbados, Dominica, Granada, Jamaica) (5.0%), Americanonan (2.7%), Venezolanonan (1.2%), Otro nacionalidadnan (4.0%).

Un total di 45% di e vivienda tabata consisti di famianan tradicional di un homber, un muher y yiunan. 53,199 persona cu tabata biba na Aruba tabata consisti di 10,878 vivienda. Cada vivienda ta varia di 6 hende pa e Antiano y 2 hende pa e Surnameo.

Un total di 16,334 menor tabata tin edad pa bay scol (entre 5 pa 16 aña). Di e grupo aki 78.7% tabata bay scol.

46% di nos poblacion, di 15 aña of mas ta forma parti di nos forza laboral. 71.8% ta consisti di hende homber y 21.6% di hende muhe.



Un tercer parti di tur e trahadonan tabata traha den e industria di refinaria di petroleo. Gobierno tabata e dunado di trabou mas grandi, sigui pa e mercado grandi y chikito. Homber tabata traha principalmente den e industria di refinaria di petroleo y muhenan den e industria di mercado grandi y chikito.

E relacion entre nacemento y morto na Aruba ta muestra un crecimiento significativo di e poblacion. Cu un indice di nacemento di 36.24 y un indice di morto di 21.38. E poblacion total tabatin un crecimiento natural di 14.86 hende pa cada mil persona.

Amistad! Traha storia hunto... Tayer pa docente

ACTIVIDADNAN di Festival di Buki pa Mucha 2018 ta den luz di e tema 'Amistad'. Pa comunica e tema bon cla na tur scol y mucha ta scohe un lema cada aña. E aña aki e lema ta 'Amistad! Traha storia hunto... Esaki ta un tema cu por haci hopi cu ne y biblioteca ta pidi tur hende cu ta traha cu mucha pa ta creativo den duna contenido na e tema.

Inspiracion pa haci algo cu e tema tin hopi y biblioteca ta ofrece tayer na maestronan di scol basico con pa traha cu e tema aki den buki, contamento di storia y otro expresion. Docentenan interesa pa participa na un tayer por registra prome cu dia 31 di augustus. Workshopnan ta tuma lugar di dia 17 pa dia 20 di september, di 3or pa 5or di atardi na biblioteca na Playa. Di cada scol cu ta participa na e festival di Buki pa mucha 2 docente por participa na un tayer. Registracion por cerca sra. Michelle Thiel-Roos, m.roos@bibliotecanacional.aw of tel. # 582 1580



Banco Central ta publica su vision pa 2020 den e plan Bela Yen

Nos vision ta pa ta un banco central prominente den region na 2020

BANCO Central di Aruba (BCA) a publica su plan multi-anual, esta "Bela Yen: Nos Plan Strategico 2016-2020" den cual BCA ta expone su vision pa 2020. E plan aki tabata solamente pa uzo interno, pero a dicidi di haci esaki tambe obtenibel riba e website di BCA pa asina informa comunidad di Aruba tocante e metanan di BCA pa 2020. E plan ta basa riba e tareanan principal di BCA manera e mantencion di e estabilidad di nos florin, e supervision riba e sistema financiero, y e emision di biyete y moneda di Florin.

"Bela Yen" ta un dicho na Papiamentu cu ta significa full speed pa dilanti. Esey sigur ta visibel den e ambicionnan cu CBA a propone pa su mes pa e periodo actual te cu 2020, cualnan

ta: ta un banco central prominente den region, haci su trabou na un manera eficiente y orienta riba resultado, y ta un organizacion atractivo pa talento excepcional. E ambicionnan multi-anual aki ta e punto di partida pa planifica e maneho anual y BCA ta procura cu tur su departamentonan ta alinea nan mes cu nan propio metanan den e cuadro di Bela Yen.

Un ehemplo concreto cu ta resalta den e plan aki ta e deseo pa modernisa e sistema di "clearing" actual. E prome paso pa cu esaki ta e lansamento di e sistema nobo di pago instantaneo na comienso di otro aña. Den cuadro di educacion y informacion financiero, BCA lo disponi den futuro di un museo y centro di bishita. E creacion di un departamento di



Stabilidad Financiero y alabes un organo di maneho encarga cu promove estabilidad financiero ta un meta concreto cu ta sumamente importante no solamente pa BCA pero pa Aruba henter.

"Como nos vision ta pa ta un banco central prominente den region na 2020, sosteni door di un cultura di integridad, excelencia y innovacion, ta

importante pa henter nos ekipo sa con cada ken su trabou ta contribui na e meta aki. Cu e plan aki como fundeshi di nos trabou diario, nos no ta perde bista di 'the big picture' y nos tarea pa Aruba", ta comenta Presidente di BCA Jane Semeleer.

A presenta Bela Yen den e aña cu BCA a celebra su di trinta aniversario, esta 2016.

Durante e añanan cu a transcuri, e ambiente den cual BCA a opera a bira mas dinamico y compleho. Pero danki na BCA su maneho monetario e balor di e florin a keda stabiel y ta un simbolo di orguyo y identidad nacional. Banda di esey, BCA a promove un desaroyo sano y integro di sector financiero, cual ta tambe fundamental pa un economia creciente y vibrante.

Gobierno ta tene dialogo ora problema so

GABINETE Wever Croes ta bay haci 10 luna den Gobierno, pero pa partido AVP no ta mira un movecion. Nan ta lamenta tambe cu e Gobierno ta bisa cu tin hopi problema pero no tin dialogo. Ni cu Parlamento ni cu gremionan.

Recientemente Parlamentario Mike de Meza a señala cu e por a scucha Prome Minister Wever Croes bisar recientemente cu ta bay analisa otro forma pa cu aumento (salario) pero ainda Gobierno no a cuminsa ni papia cu gremionan

tocante aumento di salario. Despues di a dal comerciantenan y pueblo di Aruba cu medidanan devastador, awor kier bay sin mas sinta na mesa manera cu nada no a pasa, pa papia di aumento di salario minimo. E kier sa di con no a papia cu nan prome, di con no a bay den un Dialogo Nacional cu e comerciante, sindicato y gruponan social riba aumento di awa y coriente, tocante medida, tocante maneho total di Gobierno. "Awor cu a haci tur e dañonan, awor bo mes ta

bisa cu Gobierno no a cuminsa papia cu gremionan, durante e aña cu a transcuri. Esaki ta e Gobierno cu tin awe, cu a musta cu nan no por goberna e pais aki."

Na Hulanda mes nan ta papia cu e Gabinete aki ta un Poppenkast Kabinet,. Nan ta purba duna mal nomber na nan coleganan politico y ta un poppenkast. Ta tristo pa scucha gobernantenan di Hulanda yama e Gobierno di Aruba "poppenkast".

Minister Chris Romero a presenta dos proyecto inovativo pa impulsa Aruba su agricultura

DEN un conferencia di prensa Minister Chris Romero a presenta dos proyecto di gran importancia pa nos Sector Primario aki na Aruba.

Ta trata aki di proyectonan enfoca directamente pa e incentivacion di agricultura riba nos isla, pero tambe lo representa un fuente mas di cupo nobo di trabou pa nos localnan.

Despues di varios luna di preparacion pa por concretisa e proyectonan aki, finalmente diahuebs merdia e titular di e cartera di Sector Primario a presenta oficialmente na pueblo di Aruba e companianan Vertical Designs Aruba (VDA) y COBOTIX.

Ambos compania ta di origen Canades, pero ta estableci na Aruba oficialmente y cu e meta pa sirbi na beneficio di nos pais.

VERTICAL DESIGNS ARUBA (VDA) Y COBOTIX

Vertical Designs Aruba (VDA) ta un compania specialisa den plantacion di fruta y berdura. E sistema cu VDA ta uza ta basa riba un toren rotativo unda e matanan ta wordo planta y controla pa produci, den forma organico, diferente tipo di fruta y berdura.



E toren cu ta uza p'e proyecto aki ta un invento patenta pa sr. Nick Brusatore, kende t'e inventor, Presidente y CEO di e compania Affinor Growers na Canada.

COBOTIX t'e compania encarga cu fabricacion di e toren stainless steel cu VDA ta uza pa plantacion vertical. COBOTIX ta un compania 'high-tech' cu ta uza sistema di 'laser' y robot pa fabrica e torennan rotativo dirigi pa sistemanan computarisa.

Doño di e compania COBOTIX ta sr. Ron

Adolf, kende a hiba palabra den nomber di su propio compania y (VDA) Vertical Designs Aruba.

CONTRIBUCION NA NOS ECONOMIA

No solamente e proyecto aki lo incentiva y aumenta nos produccion agricola na Aruba, pero tambe e lo nifica un aporte economico di alrededor di 20 cupo di trabou den su prome aña di funcionamiento. Logicamente segun e proyecto expande lo tin un crecimiento consecuente cu lo yega te na 100 cupo di trabou den e añanan

siguiente.

Esaki ta traduci den un crecimiento economico adicional pa nos isla, como tambe un expansion di tecnologianan nobo den nos Sector Primario.

ARUBA LO BIRA E CENTRO DI ENTRENAMIENTO Y CAPACITACION

E intencion di ambos compania, pero primordialmente di COBOTIX, ta pa Aruba bira e 'showcase' y 'trainingcenter' di personal cu ta bay traha cu e toren rotativo. Banda di esaki lo exporta tur peticion for

di Aruba.

Minister Chris Romero a haci enfasis cu e lo desea p'e companianan aki traha den cooperacion cu nos cunukeronan local. Honrando e peticion di Minister, VDA a aserca e asociacion di cunukeronan UFA (United Farmers Association) p'asina tin e cooperacion estrecho cu Minister Romero ta desea.

Di e manera aki nos cunukeronan lo por siña tecnicanan nobo pa expende nan conocimiento y haci e mundo di agricultura na Aruba mas grandi.

Booshi Wever di UPP kier sa

Kico lo bay prevalece den e lunanan benidero: Intimidacion of bon gobernacion

“NOS ta den un momento cu historia lo posiblemente lo bay categorisa como trascendental pa nos pais, pa nos democracia y tambe pa nos identidad politico. Den luna di augustus lo bay tuma lugar dos evento importante.

Na prome lugar lo bay tin un debate den Parlamento riba funcionamiento di Serlimar y e maneho cu Gobierno y e Minister di Medio-Ambiente lo kier bay ehecuta al respecto.

Na di dos lugar Gobierno lo mester presenta Parlamento cu e presupuesto di 2019 y obviamente tur wowo, particularmente di Hulanda, lo bay ta dirigi pa evalua si Gobierno a cumpli cu e condicionnan impone pa Gobierno di Reino pa reduci gastonan y nos pueblo lo ta tambe curioso pa sa si tin mas medida na caminda”, segun Candelario (Booshi) Wever.

E prelude pa loke lo bay acontece na Parlamento den e luna di augustus NO ta muestra di lo bay ta di un forma profesional. Ya caba nos por a tuma nota den medionan di comunicacion e comentarionan y particularmente e atakenan personal cu e diferente miembran di e partidonan politico cu representacion den

Parlamento ta dirigi na otro.

No ta intencion parce pa discuti riba un tema specifico, pero mas bien e intencion ta pa desacredita e persona (kill the messenger to kill the message).

E situacion sinembargo a bira mucho mas alarmante ora nos tuma nota di comentarionan cu Minister-Presidente y e Minister encarga cu Medio-Ambiente ta haci respecto e recogemento y procesamiento di desperdicio.

Segun Booshi Wever, publicamente e dos mandatarionan ta duna di conoce cu Parlamento mester sea baha cabes y acepta e regla y condicionnan impone p’e Minister di Medio-Ambiente of mester atene nan mes n’e consecucionan di un posibel decisionan controversial pa cu e maneho di e Minister. Minister di Medio-Ambiente, Otmar Oduber a bay asina leu di intimida Parlamento cu su declaracion di: “Laga e cero di Parkietenbos sigui subi numa”, si encaso esey t’e deseo di Parlamento y pio ainda a alerta cu lo mester carga e consecuencia p’e contractnan cu ya caba a wordo cera.

Contractnan cu miyonario cu sponsornan y sin ningun tipo di destaho



publico y cu ta totalmente inecesario.

Pa colmo Minister Otmar Oduber a duna instrucionnan na Serlimar pa evalua un tarifa nobo pa recogemento di desperdicio. Kico esaki nifica? Ta ken ta manda defacto e ora na Serlimar, e Minister of e Hunta di Supervision y e Directornan?

Y e instruccion aki di e Minister ta un knock-out directo p’e sindicatonan cu a dialoga cu e Minister manera FTA como tambe sindicato manera STA cu a apoya e Minister 100%.

E Minister a duna

atrobe muestra di menosprecio, pasobra su unico intencion tabata pa “span nan voor zijn karretje” cu otro palabra manipula nan pa su propio beneficio y el a logra esey tambe. Awor aki e siguiente bataya lo bay tuma lugar na Parlamento, pasobra Gobierno ya el a logra hipnotisa nan cu su maniobra y manipulacionnan y e tin un pa un den su gara.

Segun Booshi Wever, e pregunta grandi ta awor, lo logra pa convence Parlamento cu e lollypop y sigui cu su pachanga of

Parlamento lo bisé cu no t’e tarifa so t’e problema, pero tambe e racha di desicionnan contra tur regla di Bon Gobernacion?

Parlamento lo para p’e consecucionan di e lucha noble pa Aruba realmente wordo goberna a base di e reglanan di Bon Gobernacion?

Si no para p’esaki anto un biaha mas nos lo bay haya un show espectacular den Parlamento akipocodia y un biaha mas pueblo lo wordo masacra cu e “KARTELHEFFING” y e Parlamento lo retene su titulo di “Stempelparlement”!!

Fundacion CINEARUBA ta presenta diadomingo awor Shortcutz Aruba Rewind

SHORTCUTZ Aruba ta e plataforma internacional di pelicularan cortico. Aruba ta e prome den region cu tin un Shortcutz. E plataforma di cine a inicia na Portugal di cual tin 10 ciudad ta forma parti di e network di shortcutz. Hulanda, Alemania, Brazil conhunto cu Aruba tambe ta forma parti di e network. Tur pais ta intercambia pelicularan cortico, esey ta haci cu pelicularan cortico di Aruba tambe por yega na un publico mas amplio.

Dentro di poco talentonan local por yega na un publico ainda mas gradi ora cu paisnan manera Inglatera, Angola y China start cu nan Shortcutz. Sigur esaki ta un oportunidad pa talentonan local showcase nan pelicula y Aruba na mundo henter.

Durante e evento di diadomingo cu ta bini 12 di september, e publico lo por gosa di e pelicularan di Shortcutz Aruba edicion uno. Esnan cu no a logra wak e pelicularan di Shortcutz

Aruba edicion uno por finalmente waknan, tur tras di otro. Tambe e personanan cu ya caba a mira e pelicularan aki caba por disfruta di nan un biaha mas. E obhetivo ta pa resumi Shortcutz Aruba 2017 prome cu start cu Shortcutz Aruba 2018. Ademas di pelicularan cortico tambe lo tin musica den man di DJ Adriano Nanof y DJ Tech, sesionnan di bahada di solo. E evento ta inicia 6'or di atardi na Ateliers '89 cu ta situa na Dominicanessenstraat 34.

Tin posibilidad ainda pa entrega pelicularan cortico y video musical pa e Shortcutz Aruba edicion dos 2018, tur categoria ta eligibel entre otro documentario, experimental, ficcion y video art. Duracion di pelicularan cortico por ta di 1 minuut te cu 30 minuut. Lo tin un premio publico y premio hurada pa e pelicularan cortico y pa e video musical tambe tin un premio. Pa participa por Wetransfer e archivonan na aruba@shortcutznetwork.com.



Lider di fraccion di MEP, Rocco Tjon:

Ultimo reaccion riba corespondente di NOS, sr. Dick Drayer

“UN reaccion emocional di e corespondente di NOS riba mi articulo anterior. E reaccion tin aparecido na uno cu lo a wordo manda dor di oposicion. Insinuacionnan manera ken lo a lesa su documentonan y kico tin den mi “brievenbus” na Parlamento. Resumiendo, hopi “bliksenafleiders”, pero niun hecho pa sostene y prueba su acusacion cu, mescos EMAN a emplea 300 persona pa campaña, actual Promer Minister a emplea 400.

Un ponencia cu e corespondente a haci durante un “kruisgesprek” riba NPO radio1. Esaki porcierto tabata su di dos intento pa prueba su ponencia, pasobra den su reaccion na Amigoe riba su ponencia, tampoco e por a bin cu e pruebanan necesario”, según Rocco Tjon.

INTENTO PA PRUEBA SU PONENCIA

Den su reaccion e corespondente di NOS ta amplia riba e presupuesto supletorio 2017 y presupuesto 2018.

Dos topico cu Parlamento di Aruba a debati extensamente caba riba dje na december 2017 y april 2018. Esaki ta motibo tambe pakico e corespondente no ta tend’e elabora riba e puntonan aki actualmente.

Esaki a wordo trata caba algun luna atras y durante tratamiento porcierto tin mas cu 2000 pregunta a wordo haci por escrito.

Notable ta cu netamente pasobra Rocco Tjon a bisa di a cuestiona su ponencia aworaki e ta bin cu e topico aki. Sea e corespondente tabatin un “delay” of e ta trata na desvia atencion for di su ponencia cual e no por substancia!

Bou e capitulo PERSONAL, den su reaccion e ta trata pa bin cu un hustificacion real pa su ponencia, especificamente punto 4 y 5.

Corectamente e ta referi n’e raport di conseho di “Raad van Advies” (LV-18/002). Sinembargo como un periodista experiencia y un amante di politica Arubano, e mester sa cu despues di un raport di conseho di “Raad van Advies” semper ta sigui un asina yama “nader rapport”.

Rocco Tjon por segura e corespondente, Dick Drayer p’asina e por ta tranquil, cu e “nader rapport” aki tambe tabata den mi “brievenbus” na Parlamento.



NADER RAPPORT

Den dicho raport (LV-18/003) extensamente ta wordo elabora riba e aspecto di personal di e presupuesto. Ademas for di e contestanan ricibi riba preguntanan haci dor di miembronan di Parlamento claramente ta resalta cu e personal en cuestion ta trata di maestro, agentenan policial, personal den cuadro di e crisisplan pa atende cu e retonan social y personal di Landslaboratorium cu a kies pa keda den servicio di Gobierno despues di e proceso di independisacion.

Cu e corespondente di NOS ta usa e raport di Raad van Advies, p’asina trata na hustifica su ponencia cu tin 400 “MEP-ista” cu ta eherciendo practicanan a la Eman, pero na mes momento ta “lubida” di menciona cu tin contestanan riba preguntanan haci dor di Parlamentarionan y un “nader rapport”, ta zwak y incorrecto”

POR ULTIMO

Rocco Tjon por solamente conclui cu pa di dos biaha e corespondente ta faya y ta compara appel cu peer.

Finansa sostenibel, gobierna serio y “deugdelijkheid van bestuur” ta di sumo impotancia pa MEP.

Fraccion di MEP ta sostene e pensamiento aki y p’e motibo ey a aproba un mocion den cual ta urgi Gobierno pa na augustus benidero duna un “update” riba e desarojo pa cu e presupuesto actual.

Asina aki lo evita cu ta wordo confronta cu sorpresa despues, manera tabata e caso na fin di 2017. Por ultimo Rocco Tjon ta spera cu e corespondente sigui e desaroyonan politico na Aruba su mes, p’asina no tin mester depende di “bronnen”, manera Parlamentarionan di oposicion y ex-mandatarionan.

Parlamentario Edgard Vrolijk (MEP):

“Mi persona no lo bay hunga e wega di lodo cu ta un mal custumber caba di sr. Marlon Sneek”



“**RECIENTEMENTE** mi por a tuma nota cu Parlamentario Marlon Sneek tabatin mi den su boca, unda cu e ta yama mi persona pa e.o. tiger di papel. Dia mi a huramenta ta precisamente pa no ta mescos cu Marlon Sneek cu como Parlamentario te dia di awe no sa con pa haci su trabao. T’e tiponan aki ta locual den pasado a referi na dje como politico di panlefi. Dia cu mi a huramenta mi a hura di haci mi trabao manera debe ser sin importa cual signatura mi tin, pero unda mi lo percura pa controla Gobierno y trata di aporta tambe for di den Parlamento. Y sigur ta cu mi persona no lo bay hunga e wega di lodo cu sr. Marlon Sneek ta haci, pasobra esey t’e mal custumber cu e lo keda semper cune”, según Parlamentario di MEP, Edgard Vrolijk.

MESTER ACLARIA TUR TEMA

Den rueda di prensa di AVP, a spera cu Marlon Sneek lo a comprende ki tabata e mensahe, pero esaki no a sosode y ta p’esey tin di bolbe splik’e ta na kico ta referi.

Den rueda di prensa di fraccion di MEP a bisa bon cla cu mi tambe lo kier sa contenido di e carta cu Marlon Sneek ta referi na dje y cu mi ta sostene un bijeenkomst habri pa aclaria esaki, pero tambe pa aclaria tur tema cu tin di haber cu nos companianan estatal di 2009 pa 2018. Sigur tin temanan interesante cu pueblo kier sa e.o. e tematica di hedging, vision y plan di Gobierno anterior y actual, gasto di proyectonan, contractnan entre nan di mercadeo y e tema di Waf di Barcadera. Pa bolbe bek n’e carta, enberdad Edgard Vrolijk a pidi pa si Marlon Sneek por tin e carta, e por entrega esaki, pasobra tin tur indicacion cu su persona tin e carta aki den su poder.

E motibo ta cu por a scucha un reportero declara su fuente di informacion y con sigur Marlon Sneek ta papia di e contenido di e carta y cu e sa cu ta trata di un peticion pa aumento di tarifa di awa. Pues ta crea e impresion cu su persona lo por tin e carta den

su poder. Y corectamente Edgard Vrolijk ta bisa cu el a haci peticion pa si su persona (Marlon Sneek) ta pretende di t’e persona mas transparente na mundo pa entrega esaki na nos pa nos di adelanta por ta prepara p’e reunion cu Marlon Sneek a pidi.

PETICION PA UN REUNION COMPLETO

“Ayer mi persona den number di fraccion di MEP a entrega na Griffier di Parlamento un peticion pa un encuentro habri pa locual ta trata e tematica di nos companianan estatal.

Den e peticion aki ta urgi pa un reunion mas pronto posibel unda e.o. nos kier trata e carta cu a ser referi na dje dor di Parlamentario Marlon Sneek, pero tambe nos a haci peticion pa no solamente nos Prome Minister di Asunto General ta presente, pero tambe tur Director y Hunta Directiva e companianan estatal pa di unabes por todo nos por pone tur carta habri riba mesa pa por sa con nos companianan a funciona di 2009 pa 2018.

Alavez nos lo kier sa tur gasto y tambe tur contract cu a ser cera y tambe nos kier sa si e plannan cu ex Minister Mike de Meza ta referi na dje tabata existi y si esakinan tabata existi cu nan por a duna nan fruto y e gastonan haci y cu nos pueblo por wak esakinan prome cu 2020.

Tambe nos kier sa vision di Gobierno y companianan estatal p’e periodo di gobernacion aki y kico ta ser spera di esaki.

Pues cu otro palabra nos kier un reunion completo y cual sigur nos debe pueblo esaki pa di unabes por todo por cera e capitulo aki y nos por sigui hunto padilanti cu transparencia manera cu nos a priminti pueblo”, según Edgard Vrolijk.

BURICO CU TITULO DI DOCENTE

Kizas pa Marlon Sneek ta difícil pa comprende cu nos manera di traha ta hopi diferente y tambe di e Gobierno aki ta diferente, unda cu Parlamentarionan si tin voz y cu nos caracter tambe ta haci e diferencia.

“Ami a huramenta pa haci mi trabao pa pueblo y t’esey mi a bin ta haci y cu respet pa tur Minister sin kier of ta sinta den nan stoel. Sr. Sneek ta grita yama nos tiger di papel, pero awor ta zwaai cu e papelnan di contract cu e tigernan di papel a pidi den cuadro di transparencia y cu ora haya contesta hasta esnan den Parlamento cu no ta bin trabao ta haya e contesta.

Pero mihor un tiger di papel cu un burico cu titulo di docente unda cu boca grandi sin ni studia documentonan drechi a pone cuerpo di docente, pero pueblo tambe su cara na berguensa ora di haci un rekensom: $39.000 \times 6 = 2.4$ milyon.

Ta esey t’e motibo tambe pakico nos finansa publico a keda na werki despues di 8 año di gobernacion cu Marlon Sneek a defende ciegame”, Edgard Vrolijk a finalisa.

Muher ta dal cu su auto contra rotonde di Drive In

alcohol lo a hunga un rol



DIAHUEBS algo prome cu 11'or di anochi ta sosode un accidente cu un persona herida y hopi dañonan material na rotonde di ex Drive In.




Un Suzuki preto, maneha pa un señora, tabata biniendo di pariba, cu velocidad halto, esta chofer femenino a perde control riba e stuur, a dal contra e rotonde. E impacto fuerte a causa hopi daño material n'e auto y n'e rotonde tambe.

Riba e caminda tabatin hopi resto di beton procedente di e rotonde, tambe tabatin azeta basha riba e caminda esaki a basha despues di e impacto fuerte.

Polis n'e sitio a pidi pa presencia di brandweer pa haci e caminda riba e rotonde limpi, mirando cu tabatin basta pida piedranan y azeta gespart.

E dama chofer probablemente bou influencia, tabata keha di dolor den pecho. Den e impacto cu su pecho el a kibra e stuurwiel.

Esaki ta un indicacion di con fuerte e impacto tabata. Na prome instante e señora no kier a haya asistencia medico di personal di ambulance, pero despues mirando e dolornan fuerte cu e tabata hayando, no a keda e señora nada otro di acepta asistencia medico di ambulance pa despues cu personal di ambulance a prepara e señora n'e sitio, pa transport'e pa hospital.



Minister Dangui Oduber a ricibi bishita oficial di CEO nobo di AHATA



RECIENTEMENTE Minister di Turismo Dangui Oduber a ricibi bishita oficial di CEO nobo di AHATA, señora Tisa La Sorte.

Durante e encuentro ameno aki a combersa riba diferente topico e.o. riba e area di turismo cu ta di suma importancia pa Aruba.

Entre otro, a toca e tema di e “Aruba Certification Program”.

E programa di certificacion aki ta pa garantiza un nivel di servicio halto y conocimiento esencial di nos isla.

E programa su contenido ta basa riba historia di Aruba, turismo, naturalesa, cultura y percura pa servicio excelente, pues un programa sumamente importante p’e nivel di servicio di nos pais y cu sigur ta forma parti di e vision di Minister di Turismo.

Tambe, a toca e tema di Aruba Hospitality & Security Foundation. Ta trata di un comision di seguridad estableci dor di AHATA cu e proposito di atende cu e inseguridad den e sector turistico.

E mision di e comision aki ta pa constantemente desaroya y facilita iniciativanan pa mantene Aruba safe. Seguridad di nos turistanan di suma importancia pa nos turismo. A combersa tambe riba diferente desaroyo pendiente pa Aruba.

Minister Dangui Oduber a sigura di lo bay sigi mantene comunicacion estrecho entre Gobierno di Aruba y AHATA p’asina sigi mehora nos turismo..

Un reunion sigur hopi ameno y fructifero cu ta crea un base solido pa traha hopi di cerca cu otro y asina mehora turismo di nos pais.



BANCO DI CARIBE

OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 10 Aug. 2018 EN TOT NADER ORDER

valuta	aankoop van publiek			verkoop aan publiek
	bankpapier	wissels, CHQ's reischeques en overboekingen		
Ned. Antil. Gulden ANG Per ANG 100	98.00	100.00	biljetten chq./overboeking	100.20 100.00
Amerikaanse dollar USD	1.77	1.78		1.80
Canadese dollar CAD	1.34	1.36		1.38
Zwitserse frank (per 100) CHF	178.91	179.63		180.43
Pond sterling GBP	2.21	2.26		2.32
Japanse yen (per 10.000) JPY	159.06	160.51		162.13
EURO (per 100) EUR	202.26	204.11		206.16
Deense kroon (per 100) DKK	26.40	27.12		27.92
Noorse kroon (per 100) NOK	20.37	21.09		21.89
Zweedse kroon (per 100) SEK	18.57	19.29		20.09

Comision Condecoracion Real ta extende fecha di entrega di proposicion pa dia 17 di augustus proximo

COMISION Condecoracion Real Aruba a tuma nota di e interes grandi cu tin pa propone candidatonan p'e acto di Condecoracion Real y a dicidi di extende e fecha di entrega di e formularionan pa dia 17 di augustus. Di e forma aki ta duna e pueblo di Aruba mas espacio pa caba di yena e formulario y entrega esaki bek na balie di Bestuurskantoor na Oranjestad.

Tur aña, specialmente na ocasion di hacimento di aña di Rey, ta otorga Condecoracion Real. Esaki ta otorga dor di Rey Willem Alexander. Na Aruba tambe por haci un peticion pa un Condecoracion Real.

Ta trata e peticionnan na Aruba prome y despues ta manda nan Hulanda, caminda e decision final ta tuma lugar.

Tin dos ordo di Condecoracion Real, Ordo di "Oranje Nassau" y ordo di "Nederlandse Leeuw".

E gradonan mas otorga den "Oranje Nassau" ta 'Lid' y "Ridder". E ordo aki conoce tambe e gradonan "officier", "Commandeur", "Groot-Officier", y "Ridder-Grootkruis".

P'e otro ordo, esta e ordo di "Nederlandse Leeuw, un persona mester tin prestacionnan super extra-ordinario y di caracter excepcional. E ordo aki tambe conoce diferente rango.

Kende ta bin na remarke pa un Condecoracion Real? Tur esnan cu ta haci



trabao boluntario pa mas cu 15 aña, pa cua nan no a of ta ricibi salario.

Tambe personanan cu a sirbi y contribui grandemente na bienestar y desaroyo di nos pais Aruba.

Con ta propone un persona?

Por haci un proposicion dor di yena dos formulario cu ta special p'esaki. E formularionan ta obtenibel durante oranan di oficina na balie di Bestuurskantoor na O'Stad of San Nicolas y tambe via e-mail decoratieciearuba@hotmail.com of por yama sra. F. Perez-Lopez na tel 583-8425 pa mas info.

Tambe ta posibel pa download e formularionan for di e websitenan di Gobierno: www.overheid.aw, www.gobierno.aw y www.government.aw. Riba e homepage tin e noticia tocante Condecoracion Real ora click pa habri esaki pa les'e, tin e oportunidad

di download e formularionan. Tambe dor di click riba: actueel – nieuws; actualidad – noticia; news – news, por lesa e noticia y por download e formularionan.

Comision Condecoracion Real ta enfatisa cu ultimo dia pa entrega e peticionnan bek na balie di Bestuurskantoor O'Stad ta diabierna 17 di augustus 2018.

Comision Condecoracion Real Aruba ta resorta bou Ministerio di Prome Minister di Aruba, sra. mr. Evelyn Wever-Croes.

Na Aruba e comision Condecoracion Real ta encarga cu tur peticion cu dreña y pa duna tur informacion necesario.

Aruba ban propone nos hendenan, ban duna honor na esnan cu merece honor!!!!!!

Amigonan di Pepi y Lucy de Freitas a gradici nan amigo na Old Cunucu House



FAMILIA de Freitas pa mas cu 40 aña tabata doño di Flor di Oriente. For di su regreso di su estudio na Hulanda, Pepi y su rumanan a yuda nan mayornan Juan y Seferina de Freitas den nan negoshi.

For di varios aña “Pepi” tabata maneha e negoshi y asina a sera basta amistad.

Flor Oriente tabata un centro social cu weganan di domino, canto y hasta team di futbol y biahanan pa exterior.

Awor Pepi ta birando grandi y amigonan di añas, kier a gradici’e y a dicidi di organisa dia 5 augustus ultimo un surprise “Lunch “ na Old Cunucu House na Palm Beach.

Tabatin un grupo grandi di invitado, hopi palabra di aprecio, canto y nan a pasa 4 ora yen di alegria.

Pepi y Lucy y su amigonan a pasa un rato agradabel. Adhunto algun potret di fiesta.



Scholarship Foundation a otorga beca na estudiante di Aruba

RECIENTEMENTE Aruba Scholarship Foundation a tene su ceremonia anual na unda 13 estudiante a ricibi un beca pa sigui un estudio superior den exterior.

Presidente di Aruba Scholarship Foundation, sr. Frits Goedgedrag a felicita y elogia e hobennan y nan mayornan.

El a muestra su satisfaccion y alegria p'e interes, motivacion, determinacion y prestacion academico di e studiantenan.

Durante e procedura di selectamento, e studiantenan a destaca pa nan prestacion academico y nan a duna un presentacion impresionante durante e entrevista cu directiva di ASF. Tambe sr. Frits Goedgedrag a expresa aprecio pa tur e miembronan di e organizacion pa nan amor pa Aruba Scholarship Foundation cu tin e becadonan na pecho.

Ademas el a gradici nan pa nan bon consejo y determinacion durante e reunionnan.

E aña aki ASF a introduci un beca special, banda di e beca usual di tur aña. Pa duna honor na co-fundador y ex Presidente di Aruba Scholarship Foundation, sr. Clyde Harms, e organizacion ASF a introduci orguyosamente un beca masha apart cu ta carga e nomber Beca Clyde Harms pa Excelencia Academico.

Sr. Clyde Harms, kende tabata presente a entrega, bou di gran aplauso, e beca aki na tres di e studiantenan.



Di e becadonan tin 6 nobo y 6 repeater. E studiantenan nobo ta Anton Bruin (Accounting), Christopher Engelhart (Biochemistry), Bettiza-Marie Koolman (Cardiovascular), Endry Brito (Biochemistry), Tristan Marchena (Engineering), Joshue Garcia (Graphic Design). Lissey Briesen, Adeline Martinus, Julian de Mey, Flor Romero y Eric Vinck

a haya aprobacion di ASF pa continua cu nan estudio cu beca di Aruba Scholarship Foundation.

E becadonan a scoge pa sigui nan estudio na un instituto acredita na Merca, Canada, Colombia y Spaña. Tur invitado tabata hopi contento p'e forma cordial cu nan a wordo ricibi y p'e rato sumamento agradabel.

Minister Dangui Oduber a ricibi e seleccion campeon di Junior League

DIAHUEBS merdia Minister di Deporte sr. Dangui Oduber tabatin e placer di por a ricibi e seleccion di Center League cu a titula campeon di Junior League Latino Americano na Blossoms Restaurant, pa lunch den un ambiente agradabel.

E muchanan a keda masha contento ora nan a ricibi nan regalito for di Minister.

E seleccion di Center League encabesa pa Elwin Rincones lo ta representando Aruba di dia 12 pa 19 di augustus benidero na Taylor, Michigan, USA den e Junior League World Series.

Nos tur ta corda e wega di final emocionante cu e seleccion aki a hunga contra e seleccion di Panama den Stadion di Nadi Croes/Crismo Angela. Un wega cu caba den extra inning unda cu e seleccion aki nunca a rindi y na final ta logra e victoria cu un score aplastante.

Minister Oduber a expresa cu e no tin duda cu e selec-



cion aki lo haci un tremendo trabou pa pais Aruba, nan a demostra di tin hopi curason y determinacion.

Esaki t'e dos yabinan clave pa titula campeon di mundo. Un danki sigur ta bay n'e mayornan, manager y coachnan cu ta duna di nan tempo pa apoya y yuda e muchanan aki den nan desaroyo. Un danki tambe n'e delegadonan cu ta compañando e seleccion aki. Minister Oduber a finalisa na desea e seleccion di Aruba tur clase di exito den e dianan benidero

Middag y Avond MAVO ta entrega rooster y buki

DIRECTORADO di Middag- y Avond MAVO ta den full swing cu su preparacionnan p'e aña escolar 2018-2019. Manera ta conoci Middag- y Avond MAVO ta pasando den un reorganizacion cu e principal intencion pa hunto cu mayor y alumno, hisa e resultado di e alumnonan cu paso acelera. Entrega di rooster, buki y copia pa tur klas di Middag- y Avond MAVO ta tuma lugar dialuna dia 13 di augustus 2018. Pa seccion Oranjestad esaki lo tuma lugar na Colegio EPI.

Pa seccion San Nicolas esaki lo tuma luga na C.G. Abraham de Veerschool. Pa haci esaki na un manera mas ordena posibel, a organisa e entrega di rooster y demas material di scol pa cada seccion conforme e siguiente schemanan:

Seccion Avond MAVO Oranjestad klas 1-2-3-4 (Colegio EPI):

Klas	Horario
AMOS1	18.00 (=6.00pm)
AMOS2	18.00 (=6.00pm)
AMOS3	18.00 (=6.00pm)
AMOS3	20.00 (=8.00pm)

Seccion Middag MAVO San Nicolas klas 2-3-4 (A.d.Veerschool):

Klas	Horario
MMSN2a	16.00 (=4.00pm)
MMSN3a/b	16.00 (=4.00pm)
MMSN4a/b	16.00 (=4.00pm)

Seccion Avond MAVO San Nicolas klas 1-4 (A.d.Veerschool)

Klas	Horario
AMSN1a	18.00 (=6.00pm)
AMSN4a	18.00 (=6.00pm)

Den caso cu un alumno (of su mayor) no por asisti na scol pa busca rooster y demas material di les riba e fecha y ora indica, ta pidi e alumno pa bay riba facebook, esta **Middag en Avond MAVO Aruba – SAA**. Hunto cu e personal di Middag- y AvondMAVO encarga cu e seccion ey, lo mira den ki forma lo por yuda e alumno concerni.

Marca den bo agenda, calender of *smartphone*: Prome dia di scol ta dialuna 3 di september 2018.

For di aki directorado di Middag- y Avond MAVO ta desea cada alumno feliz ultimo dianan di vacacion y un aña escolar 2018-2019 fructifero.

Corso

Trabounan di Team di Mantencion di Òrdo



WILLEMSTAD -Recientemente e Team di Mantencion di Òrdo di Cuerpo Policial Còrsou a keda reforsá pa cumpli cu tareanan netamente pa combatí actonan ilegal riba nos isla. E Team aki ta sali caya diariamente y a pone hopi atencion riba crímenan cu tin un impacto grandi y di molèster den nos sociedad. E ta concentrá riba prevencion di hechonan castigabel, pero ta actua di forma represivo na momento cu esey ta necesario.

Den lunanan cu ta tras di lomba, e team aki a percura pa mas visibilidad policial riba caya y tabata respondé inmediatamente riba incidentenan. Di e manera aki tabata logra haci hopi detencion prácticamente al in-

stante. Pa mantené y sigui aumentá e trankilidad aki, tabata necesario pa reforsá e team aki cu a keda encargá cu còntrolnan hopi dirigí.

Na mes momento, Polisnan últimamente ta constatá un tendencia creciente di agresion tanto verbal como físico contra di nan, na momento cu nan ta ehércé nan trabou.

Cu cierto regularidad palabranan di menasa y ofensa ta cay den direccion di miembronan di Cuerpo Policial y tin hasta ciudadanonan cu ta bay dje leu ey cu ta bringa cu Polis.

Polis tin un responsabilidad grandi y serio cu comunidad, miéntas comunidad ta confia den un Cuerpo íntegro, ehemplar y cu ta demostrá rèspèt. Ta cu e mensahe ey tambe e

Polis ta subi caya pa haci su trabou cu honor, pero tambe cu determinacion.

Di otro banda, Polis ta spera tur colaboracion di comunidad, pa traha y juda haci di e pais aki uno 'bibabel' pa nos tur.

Bou di ningun circunstancia agenteran policial cu ta yamá pa proteccion y seguridad di tur ciudadano, lo sinti nan mes intimidá ni lo basilá pa actua cu man duro pa logra establecé òrdo y trankilidad serca esnan cu no kier aportá n'esaki.

Cuerpo Policial ta conta cu cooperacion di tur hende durante di e còntrolnan cu tin como meta, pa abo ciudadano por biba trankil y sinti bon protegi.

Dos detenshon pa ladronisia ku violensia

WILLEMSTAD - Continuando ku un investigashon relashoná ku dos (2) kaso di ladronisia ku violensia kometé dia 13 di yùli 2018, den área di Koral Specht i besindario, polis a detené dos (2) sospechoso. E ladronisia ku violensia aki a tuma lugá respektivamente; riba un shofùr di bus i na un snèk.

Djabièrnè 10 di ougùstùs 2018 alrededor di 05.15 or di mardugá, polis a detené na un kas den área di Koral Specht:

- e hòmer A.F.D. nasé na Kòrsou di 20 aña edat i
- e hende muhé E.B.C.K. nasé na Kòrsou di 19 aña di edat,



komo sospechoso den e kaso ariba menshoná. Siguiendo ku e investigashon e agenteran a tene entrada hudisial na e kas menshoná i a konfiská artíkulonon ku ta di importan-

sia pa e investigashon.

A presentá e duo dilanti di un Fiskal Ouksiliar ku a ordená nan enkarselamentu pendiente di mas investigashon.



Den kaso di Girobank

Diskushon riba garantia di deposito a lanta kabes

WILLEMSTAD. Den ambiente ei konfidensialidat tabatin e dlanan aki komberashon entre e asosiashon di bankeronan di Korsou ku representantenan di Banko Sentral tokante futuro di Girobank i ligá na esei, kokn ta introdusi un sistema pa garantisá deposio di klientenan bankario si algu bai robes ku e banko.

Girobank ta den un situashon delikado pero e hecho ku desishon no ta kaiendo si ta djoin e banko ku PSB Bank i Vidanova ta manera stanká i

mester buska un solushon pa marka rumbo dje banko.

E asuntu di diskushon a kuminsa riba e tema di Deposit Insurance ku ta un must na Merka i ku nan ke introdusi na Korsou tambe.

Sektor bankero tambe ta trahando riba e areglo aki pero nan punto di bista ta ku nan no ta masha inklina pa introdusi e areglo awor.

E preferensia ta bai pa laga Girobank bati bankarota i introdusi e medida



di garantia despues entre un konglomerashon di bankonan mas sano. Un sistema di garantia pa skapa kara di Girobank lo bira un peso pa bankonan sólido pasobra ta nan tin ku bai karga e garanta siendo ku nan ta pendiente pa sa kiko husinga ta bai hasi ku e buraku ku Garcia a krea den Girobank.

Aklarashon

No ta Lab de Med mester a paga pa retiro di spesialisista

WILLEMSTAD. Den nos edishon di ayera tabatin e relato kaminda gersha di un laboratorio lokal mester a paga un mediko-laborant un suma serio despues ku nan no por a yega na un akuerdo riba terminashon dje akuerdo laboral.

Mnaera menshoná den e relato ta e

laboratorio MSL tabata envolvi den e diskushon i den kual Lab de Med no tabatin nada di haber.

Ta manipulando ku e logo, esun di Lab de Med a bin kai den e espasio i a bai imprenta kreando e im-



preshon robes ku ta nan ta envolvi. Esei definitivamente no te kaso pasobra nan no tabata envolvi den e konflikto. Nos diskulpa pa e malinterpretashon ku esaki por a kousa. i a prensa promé ku por a koregi esaki.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Corsou

SELEBRASHON NA BRIONPLEIN





Detenshon pa violashon di Lei di Arma di Kandela i lei di opio

WILLEMSTAD- Djabièrnè 10 di ougùstùs 2018, alrededor di 06.00 or di mainta, personal di “Unit Speciale Taken” U.S.T. a tene un entrada hudisial na un kas den área di Ronde Klip en konekshon ku violashon di lei di arma di kandela i lei di opio. Na e sitio polis a haña i konfiská;

- > gran kantidat di mariwana
- > 1 rifel kombertí den kaliber 22 i 20 bala skèrpi



Na un otro sitio polis a haña i konfiská;

- > 1 pistol kaliber 38
- > 5 bala skèrpi.
- > 1 huls

Den un mondi den bisindario polis a bin topa ku un plantashon grandi di 460 planchi mariwana ku a keda konfiská. Tambe polis a haña i konfiská 2 rifel.

Relashoná ku esaki a detené 4 hòMBER, D.J.M.C., di 26 aña di edat, A.J.A.Z., di 26 aña di edat, I.A.V.C. di 21 aña di edat, C.J.P.N. di 21 aña di edat, tur di nashonalidat Venezolano pa violashon di lei di arma di kandela i lei di opio. Dos dama i un hòMBER ku no tabata tin nan dokumentunan nesesario pa por permanesé riba nos isla, a keda trasladá pa Departamento di Imigrashon pendiente nan deportashon.

A presentá e sospechosonan dilanti di un fiskal ouksiliar ku a ordená nan enkarselamentu pendiente di mas investigashon.



Royal Aurora

Funeral Home & Crematory

Mi ta stima Señor. E ta scucha mi suplicanan. E'la paga atención. Cada bez cu mi a invoc' E. Señor ta warda esnan cu ta débil. Mi tawata morto cansa, pero E'la salva mi. Awor mi ta calmo atrobe. Señor tabata bon pa mi.

Salmo 116

Nos ta participa fayecimento di:

Anna Reineta Tromp-Semeleer

Mihor conoci como: "Mama Annie"

"Annie"; "Annie Cosedo"

*15-03-1930 - †09-08-2018



Na number di su:

Esposo dfm: †Leopoldo "Poli" Tromp

Yiunan: Hendrik Tromp

Frederick "Freddie" Tromp

Robert y Lourdes Tromp-Croes y familia

Franklin Tromp y familia

Stella Marina Tromp y familia

David y Teresa Tromp-Pantoja y familia

Sonia Tromp y Ronald Dijkhoff y familia

Elizabeth Tromp y David Ferreira y familia

Nieto(a)nan: Alain Tromp y familia, Chayo Tromp y familia,

Naomi Tromp, Ethan Tromp, Adrienne Tromp y Andrew Rasmijn,

Nerissa Tromp y familia na USA, Zachary Tromp na USA, Angelique

Wout y familia, Jessika Wout y familia, Liandra Wout y familia, Mirielle

Tromp, Alisha Tromp, Vanessa y Dave Iacé-Jie Sam Foek, Emmanuel

Jie Sam Foek y Gyasuda Richardson na Hulanda, Kevin Dijkhoff,

Brandon Dijkhoff, Sabrina Vieira Ferreira

Bisanietonan: Avner, Amir, Keanu, Kingston, Jesua, Liam,

Zion, Ly-Ann, Jade, Jada, Damon, Ava na USA

Tataranieta: Lixady Wout

Rumannan: †Pedro "Bito" y †Teresa "Chita" Semeleer y familia

Anselmo "Chemi" y Juana Semeleer y familia

Celestino "Tichi" y Olivia Semeleer y familia

†Juan Casper "Jan" y †Johanita Semeleer y familia

Swa y cuñanan: †Juan Tromp y familia

†Stefanita y †Salmon "Simon" Fingal y familia

†Juanita y †Calixto Trimon y familia

†Seferina "Sefe" y †Serapio "Cochi" Tromp y familia

†Thomas "Mashi" y †Filomena Tromp y familia

†Felis y †Rosa Tromp y familia

†Helena "Nena" y Leon "Joon" Kelly y familia

Piet y Edith Tromp y familia

Ina Tromp y †Ismael Vrolijk y familia

Sobrino y sobrinanan, primo y primanan, comer y compernan y bisñanan

Iha stima

Ayudante na cas: Anarita Payano

Karina

Amiga di cas: Ramona

Demas familia: Semeleer, Tromp, Croes, Pantoja, Dijkhoff, Vieira Ferreira, Wout, Jie Sam Foek, Lacle, Richardson, Fingal, Trimon, Kelly, Evertsz, Vrolijk, Peterson, Ponson, Figaroa, Maduro, Geerman, Lampe, Hernandez, Semerel, Quandus, Ras, Franken, Flanegin, Rasmijn, Valdez, Solagnier, Oduber, Ismail, Erasmus, Ruiz

Oportunidad pa condolencia; dialuna 13 di augustus 2018 na Royal Funeral Home di 7'or pa 9'or di anochi.

Ta invita pa e acto di entierro cu lo tuma lugar diamars 14 di augustus 2018 na Royal Funeral Home di 9'or pa 11'or di mainta, despues saliendo pa Santana catolico Noord

Nos disculpa si den nos tristesa nos por a lubida un of otro familia.

Royal Aurora

Funeral Home & Crematory

Laga tur locualcutaspera mi tabunita

Laga tur locualcu mi encontra na camindatabunita

Laga tur locualcutarondonamitabunita

Y lagaesakinan termina den tur bunitesa

Cu inmenso dolor na nos curason nos ta participa fayecimentoinesperadi :



Anushka Jesucita Tromp

Mihorconoci como: "Tanta Ucha"

*18-09-1970 - †06-08-2018

Nanumber di su:

Mayornan : †Feliz Tromp & †Carmen Tromp-

Carrasquero

Yiunan: Adrienne Tromp (de Cuba)

Annely Tromp & Pedro Vrolijk

Manera yiunan: Nathan & Zeydiliene Tromp

Isabella & Delilah Farro

Rumannan: Maria & Antonio Croes y Familia

Cornelio & Elba Tromp y Familia

Sibilina Tromp y Familia

Andrea Tromp y Familia

Merita Tromp & Edwin Todd y Familia

Emelinda Tromp Y Familia

Jeanette Tromp

Estrellita & Trevor Rolle y Familia

Evelinda & Rudy Tromp y Familia

Corina Tromp y Familia

Robert Carrasquero & Maritsa Chikito y Familia

Manera Ruman: Jack Trompy Familia

Omo Stima: Candido Carrasquero y Familia

Amiga nan di cas : Joyce Maduro

Sonia Perez

Albertina & Jacinto

Geerman

Demas Omo y tanta nan ,Primo y primanan, comer y compernan , Amistad nan.

Demas familia : Tromp, Carrasquero, Croes, Rolle, Todd, Vrolijk, Quandt, Farro, Dirks, Wild, Obispa, Silverio de Jesus, Werleman, Donata, Fuentes, Koolman, Martha, Maduro y su Ex colega nan di Kowloon Restaurant.

Ta invita pa e acto di condolencia y cremashoncu lo tuma lugar diamars 14 di augustus 2018 na Misa Santa Anna di Noordpa 2'or di atardi, response tacuminsa 4'or.

Preferibel binbisti na color nan alegre y nos tapidi nos disculpa si den nos tristesa nos por a lubida un of otro familia .

Royal Aurora

Funeral Home & Crematory

Psalm 23

The Lord is my shepherd I shall not want ,
With immense sorrow and pain in our hearts. we
announce the home going of our beloved, son, father,
brother, uncle, cousin, godfather and dear friend.



Efrén Cecilio Isei

"Humphry" or "papa Efrén"

*1 February 1959 †3 Augustus 2018

TX # 249

Left to mourn his loss are:

Mother: Leonilda Isei- Fenton

Son: Efrén A. Isei and Miriel Croes

Mother of his child: Martha Jimenez

Brothers and Sisters: Rogelio Isei AUA

Fidencio and Barbara Isei and fam; Detroit Mich.

Shirley Isei and Family AUA

Carl Isei and Family AUA

Wini Martien and Family Cur,

Mirtha Martien Holland

Aunt : Josephina Haddock and Family

Nieces, Nephew, Cousins and Godchildren to numerous to mention.

Like his children: Christian, Laura, Jonny, Elias, Sebastian, Julen, Jahlisha, Paola, Eric

Close friends; Melva & children, Monica, Veronica

Colleagues.

Family in AUA ,CUR,SXM, HOLLAND,USA.

He was related to: Isei, Fenton, Jimenez, Buddy, Paesch, Arrindell, Brown, Haddocks, Muller, Hughes, Patterson, Richardson, Mejia, Olivarez, Spanner, Uribe, Garcia, Lopez, Guitierrez, Ortiz, Serna, Isaza, Delgado, Mariel, Fuentes, Cortes, Brito,

Iglesia : Rios de Aqua Viva

We apologize if during our grief we forgot to mention any Family or names.

Condolences and Funeral will take place, MONDAY AUGUST 13, 2018 2 pm to 4 pm

AURORA FUNERAL HOME, ORANJESTAD, Followed by Cremation

Royal Aurora Funeral Home & Crematory

"Dios ta amor... y amor ta Dios,
maske mi no ta na e mundo aki, tur
dia lo mi ta banda
di boso Curazon".

Cu inmenso tristesa na nos curason, pero agradecido pa
tur locual el a nifica pa nos y conforme cu boluntad di
Dios, nos ta participa fayecimento di:



Eric Tomas Lopez

***10-06-1961 - †07-08-2018**

Na nomber di su

compañera: Bertha Cecilia Torres

Rumannan: Mayra Lopez

Mireila Lopez & Arturo Oduber

Grenda & Pedro (Jani) Lacle y familia

Rafael Lopez y familia Chago Lopez & Linda Bakker y

familia Shamy & Frida Lopez y familia Winonah Lopez y

familia Orma Els Haselmeyer y familia Faycel Lopez

Stima manera yiu: Diana Carolina Benitez

Hija: Philibert Lopez y familia

Omo y Tantan: Lucia & Roy Geerman y familia

Chinto & Mani Croes y familia Bertha & Ruben Wolff y

familia Aylin & Ricky Tromp y familia Tantan di respet

Sobrino y sobrinan: Philibert, Faela, Santi,

Janisse, Fayron, Whitley, Lisa, Leentje, Ian, Gendra,

Dimitri y Kayla.

Amigonan di cas: Gerardo y Belquis Moreau, Tahar
Bouaicha. Compañeronan di Aruba Limp: Milton y
Eugene y demas coleganan di DOW

Demas famiana: Lopez, Croes, Torres, Oduber, Lacle,
Els, Bakker, Geerman, Wolff, Tromp, De Mey, Dirksz,
Rodriguez, Wever, Benitez, Rojas, Windterdaal, Kelly,
Maduro, Kock, Loefstok, Vrolijk, y Haselmeyer.


Demas famianan na Tenerife, Islas Canarias, España :
Lopez, Navarro, Monzon, Garcia, Macias, Reyes y
Salgado

Adres pa condolencia na su cas : Diadomingo 12 augus-
tus 2018 for di 7'or pa 9'or na Jan Flemming 16-A
Ta invita familia, amigo, bisiña y conocirnan pa asisti na
acto di entierro cu lo tuma lugar dialuna 13 augustus
2018 di 2'or pa 4'or di atardi misa Inmaculada Concep-
cion na Sta.Cruz.

Royal Aurora Funeral Home & Crematory

Sea semper humilde y mansu, tene pasenshi y
soporta otro cu amor.
Efesionan 4:2.

A Fayece inesperadamente



Sr. Wendor Efigenio Rafaël

Mihor conoci como "Wendel" of "Wenny".

***21-09-1953 †07-08-2018**

Esposa: Edseline Rafaël-Snijders

Yiunan: Tarina y Cristhian Luperon

Faridy y Edwin Kleinleugenmors

Tyrone Rafaël

Nieto(a)nan: Kiomy, Kayden, Tyanne y Kyon.

Mama: Sra. viuda Rosarita Rafaël-Antonio

Tata: †Arthuro (Romo) Rafaël

Rumannan: Eric Rafaël y Ruby Rafaël-Lake Esther Didier-

Rafaël y James Didier Meredith Rafaël Rignald (Papito)

Rafaël y Marlin Rafaël-Croes

Sobrino(a)nan: Allan, Jeremy, Sherman, Juameth,
Rayshell, Markwin, Marigin, Marisol, Marlisa, Jurgen,
Stephanie, Nolaika y Shalten tur cu nan respectiva familia.

Tanta y Tio(nan): Norma (Dina) Antonio,

Boy Antonio y Familia,

Chila Melfor y Familia,

Edith Maxwell y Familia,

Celso Maxwell y Familia,

Atala Antonia y Familia,

Rosa Noor y Familia.

Swa: Xexsters Snijders

Cun a: vda. Jacqueline Eugenia-
Snijders

Primo y primanan di Aruba, Curacao y Hulanda.

Demas Famia: Rafaël, Antonio, Antonia, Maxwell, Melfor,
Severina, Jansen, Luperon, Kleinleugenmors, Carolina, Lake,
Didier, Steenen, Snijders, Giel, Hart, Ignacio, Croes, Richard-
son, van Doornspeek, Martis, Noor, House, Krozendijk, Ras,
Comenecia, Hertz, Dania, Ballinge, Sneek. Hato, Penso,
Merzelina.

Si pa motibo di tristesa por a laga algun familia afo, nos ta
pidi nos disculpa pa esey.

Oportunidad pa condolencia: Aurora Funeral Home,
diabierna 10 di augustus 2018 di 7'or pa 9'or di anochi.

Ta invita pa e acto di despedida cu lo tuma lugar diasabra 11
di augustus 2018 na Aurora Funeral Home di 2'or pa 4'or di
atardi.

Gradicimento /Invitashon

Pa medio di esaki nos kier a gradici tur esnan cu
den un manera of otro a mustananatencion
durante fayecimento di nos defuntostima :



sra. Telma Teresita Willems-Alberts

Un gradicimentotabay na tur familia, amigo y
conocirnan.

Especialmente na Aurora Funeral Home pa su
exellente servicio.

Boso sosten, atencion y cariño tabata un gran
consuelo pa nos.

Alaves nos kier a invita paasisti na 3 santo sacrificio
di misa :

E prome misa lo taawedia 10 di Augustus 2018 na
misa di Savanetapa 7'or di anochi. E di dos misa lo
taDiadomingodia 12 di Augustus 2018 na misa di
Savanetapa 10'or di mainta. E ultimo misa lo
taDiabiernadia 17 di Augustus 2018 na misa di
Savanetapa 7'or di anochisiguipa un santo rosario
na cas di e difunto Savaneta 124.

Gradicimento /Invitashon

Pa medio di esaki familia di Nilda Istatia kier a
gradici tur esnan
cu na un manera of otro a duna nos sosten,
consuelo y forsa
durante e tempo dificil cu e fayecimento y entierro



di nos defunto stima:

Nilda Virginia Istatia

Un danki na un y tur cu a manda carchi, , telegram,
krans, whatsapp, email, message via facebook of a
hasi yamada telefonico.

Un danki special tambe ta bay na dokternan y
zusternan y broeders di ICU. Tambe na Aurora
Funeral Home pa cu su bon servicio y atencion.

Boso muestra di atenshon tabata un gran Consuelo
pa nos.

"KI DUSHI TA ORA NAN DESPEDI DI BO NA BIDA" Ultimo palabranan di Egbertus A. Maduro (Ebby)"



Cu inmenso tristesa na nos curason, pero
agradecido pa tur locual el a nificapa nos y
conforme cuboluntad di Dios, nos ta
participa fayecimento di:

Sr. Egbertus Angel Maduro
Mihorconoci como "Ebby of Chato"
***23-03-1959 – †10-08-2018**

Acto di entierro lo wordo anuncia despues



Cu profundo dolor pero agradecido pa tur locual el a hasi y significa pa nos tur, nos ta anuncia fayecimiento di nos Esposo, Tata y Abuelo :



Sr. Richard Johannes Beaujon
Mihor conoci como "Jeens"
Na edad di 77 anja

Na nomber di su:

Esposa: Lorenza R. (Elsa) Beaujon de kort

Yiunan: Eunice Beaujon Darrell R. Beaujon y esposa Matilde Colin

Nieto (a)nan: Claudia A. de Swart Stephanie S. de Swart Darrell Daniel Beaujon-Colin Isabelle-Marie Beaujon-Colin Matias Jose Beaujon-Colin

Primo (a)nan: John Croes, esposa Anita y familia

Gwendoline (Gwen) Croes y familia

Francis Oduber, esposa Suzy y familia

Swa y cuñanan: †Edwin de Kort y familia

Carmen Augustina de Kort y familia Maria Oliva de Kort y familia Eduardo de Kort, esposa Vera y familia Yolanda Jacoba de Kort y familia

†Efraim M. de Kort, esposa Mildred y familia

Amigonan di cas: John y Stella Merryweather

Filomena Gomes Mavalda Croes Un danki grandi na Rodolfo y Doris Garcia-Colin cu tawata un judansa y apojo grandi pa nos den e simanan di enfermedad y tristesa di Jeens.

Tambe un danki ta bai na nos dokter di cas Dr. June Geerman-Tromp

Demas familia: Beaujon, de Kort, de Veer, Croes, Eman, de Swart, Oduber, Colin, Garcia

Ta invita tur familia, bisiña, amigonan y conocirnan pa asisti na e acto di despedida cu lo tuma lugar na Aurora Funeral Home diasabra 11 di augustus 2018 di 7'or pa 9'or di anochi.

Nos ta pidi disculpa cu despues di despedida no ta ricibi bishita di condolencia na cas.



ARUBA BASEBALL CLASICO

Cu un invitacion na pueblo


All Stars Game 60+ dia 18 augustus ta na Joe La veist Ballpark y ta pa 9.30 di mainta. Wegu di revancha cu a keda empata na 3 careda dia 23 di juni 2018.

Team A
Ely Kock
Julio Croes
Fio Wester
Johnny Thiel
Ramiro Lopez
Roberto Croes
Jacob Jansen
Frits Romney
Richard Lopez Henriquez
Aubrey Maduro
Cai Cai Williams
Colo Jacobs
Richard Simon
Felix Thiel
Rock Angela
Nelson Kock
Alex Falconi
Horry Thode
Archi Williams
Robby Arambatsis
Alfred Rafini
Mariano Thiel
Wilfrido Dirksz
Fachi Werleman
Eddie Tromp
Harold Rafini

Chipen Chirino
Manager
Mai Maduro
Coach

Team B
Fredis Refunjol
Val Peterson
Dennis Blijden
Elston Simons
Skeet Ponson
Erik Mohamed
Richard Wout
Bubble Gum Hazel
Wilfred Bomba
Stankey Ashby
Raffy Daniels
Pepitone Flanders
Ferdinand Flanders
Robby Briesen
Phillip Freedom
Rafael Hodge
Ray Michael Raymond
Dolfi Werleman
Winsor Janga
Johnny Wout
Toonchi Gomez
Sherman Hose
Tallboy Violinus
Winsor Janga
Garry Cham
Jessey Beukeboom

Juan Maduro
Manager



Seleccionnan ta wordo dirigi pa dos legendario di Springfield College, esta Juan Maduro y Francisco Chipen Chirino.

Si tin mas hungador cu nos por a lubida bo(so) nomber y ta fit pa hunga un inning of mas, ta mas cu welcome pa ta presente n'e gran re-encuentro di nos baluarte nan di Baseball Arubano.

Tuma esaki como un invitacion personal pa bin wak boso amigonan di baseball den accion. Y awor den e cuna di baseball di Aruba Joe La Veist Ballpark.

Den un wega di revancha di e legendarionan aki. Y depues disfruta di e weganan di playoff di liaga 40+ cu ta den su fase cayente, cayente.

9.30 am	Baluarte nan di Pariba	vs	Baluartenan di Pabao.	Liga 60+
12.300 pm	Brazil Dental Care/ Lucor	vs	Ecotech leftovers	play off
3.30 pm	New Arrivals	vs	Sputters QCP	Play off

Please dor cu nos no tin tur direccion cada hungador por tuma contacto cu Henry Barera cel. 561-9073 of Joy Orman na cel 592-6780 .pa nos por duna boso nan un gran reconocimiento y ,aprecio pa boso contribucion pa cu Baseball di Aruba, segun Directiva di Baseball Clasico Aruba.

MEP recordando e lucha di 41 aña pasa :

“E accionnan di Augustus Scur na 1977 tabata determinante pa Aruba por a logra su Status Aparte na 1986”

E luna aki, esta augustus 2018 nos ta recorda cu 41 aña pasa nos pueblo a lanta para pa defende cu alma y curpa su autonomia, su libertad.

E motibo cu pueblo a lanta tabata cu den e eleccion di Staten di dia 17 di juni 1977 partido MEP a gana den forma aplastante obteniendo 5 di e 8 asientonan. Cu e victoria aki e pueblo Arubano a ratifica e mandato na MEP pa sigui cu e lucha pa libertad di e pueblo.

Despues di e victoria aki ningun hende na Aruba por a imagina loke ta bay sosode.

E formador di Gobierno Central, sr. Boy Rozendal a maniobra di tal forma pa laga e partido mayoritario MEP for di Gobierno, esta sin respeta e decision di e electorado Arubano.

ESCALACION DI ACCIONNAN

Pueblo mirando cu un partido minoritario di Aruba, esta PPA a drenta Gobierno Antiyano lagando MEP completamente afor, a dicidi bao guia di Betico Croes hunto cu Gobierno Insular y gremionan pa lanta protesta y pa respeta nos electorado Arubano.

“MEP ta un partido di principio y prestigio cu no ta bay mendiga pa drenta Gobierno. Entrante dialuna accionnan lo cuminsa. Lo bay tin escalacion di e accionnan, cual lo por desemboca den un independencia total di Aruba”, tabata palabranan fuerte y decidido di nos Libertador e tempo ey.

SINDICALISTANAN ENCARCELA

Dia 10 di augustus 1977 dos sindicalista, esta Presidente di IOWUA, sr. Chinto Geerman (dfm) y sr. Juan Yarzagaray a ser encarcela pa motibo di un pamfleta cu nan a emití dia 9 di augustus 1977.

Den un reunion urgente cu a ser teni e anochi ey na Centro di Bario Noord, a dicidi cu lo bay Warda di Polis na Playa pa exigí libertad di e dos sindicalistanan aki.

Hendenan tabata furioso y tabata tira piedra riba e Polisnan. Despues a bay protesta dilanti cas di Officier van Justitie mr. Arps.

Durante e anochi ey a sigui reunionnan entre sr. Betico Croes, e lidernan sindical y sr. Arps na Bestuurskantoor. Pero esey no a duna ningun resultado.

WELGA GENERAL

Su dia siguiente 11 di augustus 1977, esta un dia manera awe 41 aña pasa e sindicatonan den gran mayoria a proclama un welga general



Sr. Clyve Lacle, e di cuater riba e foto despues di Betico Croes





caminda a pone trabao abao, a subi caya y unda e sindicato di WEB tambe a notifica Gobierno cu lo bay kita coriente y consecuentemente esey a trece problema pa suministro di awa. E welga general a isola nos isla, ya cu e comunicacion via telex a paralisa y e avionnan di ALM tampoco por a baha na Aruba.

Henter nos comunidad a keda den scuridad total. Mas lat den anochi a baha un avion yena cu Riot Comando for di Corsou bao guia di Castillejo Cova kende a bin marcha den cayanan di Oranjestad. E tension a sigui crece y pa dianan largo Aruba tabata paralisa. Aruba a bay plat! Durante e protestanan dilanti Bestuurskantoor balanan cayente a cay, a tira riba e jeep di Betico Croes y tambe varios persona a wordo herida y e mesun anochi ey Polis a destrui un auto Volkswagen cu dos ciudadano aden banda di Wilhelmina Stadion. Den tur e acontecimentonan aki e mayornan di Betico Croes a ser humilia, su primo y diferente otro persona a ser herida y diferente lider di barrio a ser persigui.

SANGER, SODOR Y LAGRIMA


Sinembargo e gran mayoria di pueblo no a sucumbi pa tur e intimidacionnan aki y den forma decidido a sigui lucha pa dianan largo. Locual cu a sigui despues di tur e accionnan aki ta cu sindicatonan hunto cu politiconan a dicidi cu a base di articulo 26 di Eilandenregeling lo bay manda un delegacion Hulanda. Finalmente Gobierno di Hulanda a habri porta y a dicidi pa acepta un delegacion Arubano pa delibera tocante e futuro estatal di Aruba.

Ta danki n'e accionnan aki awe Aruba ta gosa di su Status Aparte, esta un pais autonomo den Reino Hulandes, cu su propio Gobierno, propio Parlamento, propio Gobernador, propio moneda Arubano etc.

Ta pesey, laga e dianan aki ta dianan di reflexion pa un y tur den e pais aki realisa cu nos libertad, nos Status Aparte no a cay for di cielo, pero cu esaki a ser logra a base di sanger, sodor y lagrima y bao di liderazgo di e lider indiscutibel di e pueblo aki, esta Betico Croes.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL